

ხელშეკრულება №20

სახელმწიფო შესყიდვის შესახებ

ქ. ბათუმი

„25“ იანვარი 2018 წელი

ერთი მხრივ, ა(ა)იპ ბათუმის საბავშვო ბაღების გაერთიანება შემდგომში - „შემსყიდველი“, წარმოდგენილი მისი დირექტორის მოვალეობის შემსრულებლის მამუკა შამილიშვილის სახით და მეორე მხრივ, შპს „ჯეო+“ შემდგომში - „მიმწოდებელი“, წარმოდგენილი მისი დირექტორის ნატა გორგილაძის სახით, სახელმწიფო შესყიდვების მარეგულირებელი კანონმდებლობისა და მიმწოდებლის სატენდერო წინადადების საფუძველზე, აუქციონის გარეშე გამოცხადებული **NAT170015323** ელექტრონული ტენდერის ჩატარების შედეგად ვდებთ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულების საგანი:

- 1.1 ხელშეკრულების საგანს წარმოადგენს ავეჯი (CPV-39100000) (შემდგომში - „შესყიდვის ობიექტი“);
- 1.2 შესყიდვის ობიექტის დასახელება, ტექნიკური მახასიათებლები, მწარმოებელი ქვეყანა და კომპანია, განზომილების ერთეული, რაოდენობა, ერთეულის და საერთო ფასები განისაზღვრება დანართებით N1,2,3, რომლებიც წარმოადგენენ ამ ხელშეკრულების განუყოფელ ნაწილებს.

2. ხელშეკრულების ღირებულება:

- 2.1 ხელშეკრულების საერთო ღირებულება შეადგენს **26 720** (ოცდაექვსი ათას შვიდას ოცი) ლარს.
- 2.2 პრეტენდენტის მიერ წარმოდგენილი სატენდერო წინადადება და სატენდერო წინადადებაზე თანდართული სხვა დოკუმენტები ქმნიან მოცემულ ხელშეკრულებას და ითვლებიან მის განუყოფელ ნაწილად.
- 2.3 ხელშეკრულების საერთო ღირებულება მოიცავს, როგორც მისაწოდებელი შესყიდვის ობიექტის ღირებულებას, ასევე წინამდებარე ხელშეკრულების შესრულებასთან დაკავშირებით „მიმწოდებლის“ მიერ გაწეულ ყველა ხარჯს.

3. ანგარიშსწორების ფორმა და ვადები:

- 3.1 ანგარიშსწორების ფორმა: უნაღდო;
- 3.2 ვალუტა: ეროვნული ვალუტა (ლარი);
- 3.3 ანგარიშსწორება განხორციელდება საქონლის სრულად მიწოდების შემდეგ, შესაბამისი სასაქონლო ზედნადადების, საგადასახდო ანგარიშგაქტურის (არსებობის შემთხვევაში) წარმოდგენისა და საბოლოო მიღება-ჩაბარების აქტის გაფორმებიდან 10 სამუშაო დღის ვადაში.
- 3.4 საავანსო ანგარიშსწორება არ გამოიყენება;

4. მიღება-ჩაბარების წესი:

- 4.1 შესყიდვის ობიექტის მიღება ფორმდება მიღება-ჩაბარების აქტით, რომელიც დასტურდება შემსყიდველისა და მიმწოდებლის საამისოდ უფლებამოსილი წარმომადგენლების ხელმოწერებით.

5. შესყიდვის ობიექტის მიწოდების ვადა ადგილი და ფორმა:

- 5.1 შესყიდვის ობიექტის მიწოდება განხორციელდება:
 - ა) ხელშეკრულების დადებიდან 25 კალენდარული დღის ვადაში (უქმე და არასამუშაო დღეების ჩათვლით);
 - ბ) ქ. ბათუმში, სვიშჩევსკის ქN1-ში მდებარე მე-19 საბავშვო ბაღში;
- 5.2 მიმწოდებელი ვალდებულია საბავშვო ბაღში მიწოდების დროს შესყიდვის ობიექტი განათავსოს შემსყიდველის მიერ მითითებულ ადგილებზე (სხვადასხვა ოთახებში, პირველ, მეორე და მესამე სართულებზე);
- 5.3 მიმწოდებელი ვალდებულია უზრუნველყოს მიწოდებული საქონლის მონტაჟი, კერძოდ:
 - ა) ყველა სახის კარადების კედელზე მიმაგრება სპეციალური სამაგრებით;

ბ) სამზარეულოს გარნიტურის და ბოქსების მონტაჟი და მისი მონტაჟისთვის საჭირო ყველა სანტექნიკური და სხვა სახის აქსესუარებისა და მასალების შეძენა;

5.4 შემსყიდველი უფლებამოსილია საჭიროების შემთხვევაში ხელშეკრულებით განსაზღვრული შესყიდვის ობიექტის რაოდენობა არ აითვისოს სრულად;

6. საგარანტიო ვადა და პირობები

6.1 მიწოდებულ საქონელზე საგარანტიო პერიოდი შეადგენს საბოლოო მიღება-ჩაბარების აქტის გაფორმების დღიდან 12 (თორმეტი) თვეს;

6.2 მიმწოდებელმა საგარანტიო ვადის პერიოდში გამოვლენილი წუნდებული საქონლის შეკეთება ან/და ახლით შეცვლა უნდა უზრუნველყოს საკუთარი ხარჯებით, მოთხოვნიდან არაუგვიანეს 10 (ათი) კალენდარული დღის ვადაში;

7. მხარეთა უფლება-მოვალეობები

7.1. შემსყიდველი უფლებამოსილია:

7.1.1. ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება.

7.1.2. შესყიდვის ობიექტის მიწოდების დასრულებამდე გამოითხოვოს მიმწოდებლისგან შესყიდვის ობიექტის მიწოდებასთან დაკავშირებული მისთვის საჭირო დოკუმენტი.

7.2. შემსყიდველი ვალდებულია:

7.2.1. მოახდინოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად.

7.2.2. უზრუნველყოს მიწოდებული შესყიდვის ობიექტის მიღება.

7.3. მიმწოდებელი უფლებამოსილია:

7.3.1 მიმწოდებელს უფლება აქვს მოსთხოვოს შემსყიდველს მიწოდებული შესყიდვის ობიექტის ღირებულების ანაზღაურება, ხელშეკრულებით გათვალისწინებული ვადებისა და პირობების დაცვით.

7.4. მიმწოდებელი ვალდებულია:

7.4.1. დაიცვას ხელშეკრულებით გათვალისწინებული ყველა პირობა.

7.4.2. მიაწოდოს შესყიდვის ობიექტი სათანადო ხარისხითა და სრული მოცულობით, იმ ვადაში, რომელიც განსაზღვრულია ამ ხელშეკრულებით.

8. ხელშეკრულების შესრულების კონტროლი

8.1 ხელშეკრულების შესრულების კონტროლი გულისხმობს მიმწოდებლის მიერ ხელშეკრულების პირობების შესრულების, აგრეთვე მიწოდებული საქონლის ხარისხის კონტროლს.

8.2 ხელშეკრულების შესრულების კონტროლს შემსყიდველის მხრიდან განახორციელებს მატერიალურ-ტექნიკური განყოფილების უფროსი - ჯაბა ცხადაძე;

8.3 ხელშეკრულების პირობების შესრულების კონტროლის განხორციელება შესაძლებელია ხელშეკრულების შესრულების ნებისმიერ ეტაპზე.

8.4 მიმწოდებელი ვალდებულია საკუთარი რესურსებით უზრუნველყოს ხელშეკრულების პირობების შესრულების კონტროლის განხორციელებისათვის აუცილებელი პერსონალის და ტექნიკური საშუალებების გამოყოფა, ასევე უზრუნველყოს საჭირო სამუშაო პირობები. იმ შემთხვევაში, თუ შემსყიდველი ორგანიზაცია ხელშეკრულების პირობების შესრულების კონტროლის მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვითონ შემსყიდველი ორგანიზაცია თუ ხელშეკრულებით სხვა რამ არ არის გათვალისწინებული, ყველა გამოვლენილი ნაკლოვანების აღმოფხვრასთან და კონტროლის ხელახლა განხორციელებასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

9. ხელშეკრულების შესრულების შეფერხება

9.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

9.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს წერილობითი ფორმით.

10. ხელშეკრულების პირობების შეუსრულებლობა

10.1 მიმწოდებლს, ხელშეკრულების პირობების არაჯეროვანი შესრულებისათვის, მათ შორის, ვალდებულების შესრულების ვადაგადაცილების შემთხვევაში დაეკისრება პირგასამტეხლო, ყოველ ვადაგადაცილებულ დღეზე შესასრულებელი ვალდებულების შესაბამისი ღირებულების 0.02%-ის ოდენობით;

10.2 მიმწოდებლს, ხელშეკრულების ნაწილობრივ შესრულების შემთხვევაში დაეკისრება პირგასამტეხლო, შესასრულებელი (დარჩენილი) ვალდებულების შესაბამისი ღირებულების 10%-ის ოდენობით;

10.3 მიმწოდებლს, ხელშეკრულების პირობების შეუსრულებლობისათვის დაეკისრება პირგასამტეხლო, ხელშეკრულების საერთო ღირებულების 20%-ის ოდენობით;

10.4 პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან;

11. ხელშეკრულებაში ცვლილებების შეტანა

11.1 ნებისმიერი ცვლილება წინამდებარე ხელშეკრულებაში განხორციელდება წერილობით, მხარეთა შეთანხმების საფუძველზე, მხოლოდ ორივე მხარის უფლებამოსილი წარმომადგენლის ხელმოწერით.

11.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

11.3 ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

12. ხელშეკრულების შეწყვეტა

12.1 წინამდებარე ხელშეკრულება შეიძლება ვადამდე შეწყდეს:

ა) ორმხრივი წერილობითი შეთანხმებით ნებისმიერ დროს;

ბ) ნებისმიერი მხარის ინიციატივით, ცალმხრივად თუ მეორე მხარე არ ასრულებს ან არაჯეროვნად ასრულებს ნაკისრ ვალდებულებებს;

12.2 შემსყიდველის ინიციატივით ხელშეკრულების ცალმხრივად შეწყვეტის შემთხვევაში, მიმწოდებელს უფლება არ აქვს მოითხოვოს მიუღებელი შემოსავლისა ან/და ზიანის ანაზღაურება.

12.3 მხარე ვალდებულია არანაკლებ 5 (ხუთი) კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს ხელშეკრულების ცალმხრივად შეწყვეტის განზრახვის შესახებ.

13. დავების გადაწყვეტა

13.1 ხელშეკრულების მოქმედების პერიოდში შემსყიდველსა და მიმწოდებელს შორის წარმოშობილი ყველა დავა უნდა გადაიჭრას ურთიერთმოლაპარაკების გზით ან საქართველოს კანონმდებლობით დადგენილი წესით.

14. დაუძლეველი ძალა

14.1 მხარეები თავისუფლდებიან ხელშეკრულებით გათვალისწინებული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

14.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ

გათავისუფლება ნაკისრი ვალდებულებების შესრულებისაგან. მხარეთა პასუხისმგებლობა და ვალდებულებები განახლდება დაუძლეველი ძალის მოქმედებს დასრულებისთანავე.

14.3 თუ დაუძლეველი ძალის მოქმედება გრძელდება 30 დღეზე მეტ ხანს, მხარეს უფლება აქვს ცალმხრივად შეწყვიტოს ხელშეკრულება.

15. სხვა პირობები

15.1 ხელშეკრულება შედგენილია 2 (ორი) თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო მეორე შემსყიდველს.

16. ხელშეკრულების მოქმედების ვადა

16.1 წინამდებარე ხელშეკრულება ძალაშია: 2018 წლის 25 იანვრიდან - 2018 წლის 31 მარტამდე;

17. მხარეთა რეკვიზიტები:

შემსყიდველი:

ა(ა)იპ „ბათუმის საბავშვო ბაღების გაერთიანება“

მის: ქ. ბათუმი, პ. მელიქიშვილის ქ N42

საიდენტიფიკაციო კოდი: 445 393 510

სახელმწიფო ხაზინა

TRESGE22

ა/ნ 740737005

მიმწოდებელი:

შპს „ჯეო+“

მის: ქ.თბილისი, მოსკოვის გამზ. ქN31

საიდენტიფიკაციო კოდი: 423 099 774

ბანკი: სს „თიბისი ბანკი“

ბანკის კოდი: TBCBGE22

ა/ნ GE45TB 7505 4360 8010 0010

.....

მამუკა შამილიშვილი

.....


ნატა გორგილაძე

დანართი N1 - ტექნიკური მახასიათებლები

N	საქონლის დასახელება	ტექნიკური მახასიათებლები	ესკიზი
1	საბავშვო მაგიდა	მასალა: 18 მმ ლამინირებული მზგ. ზომები: 55*100*60სმ; ზედაპირზე შემოყოლებული პლასტმასის 2 მმ წიბო. ფეხები ნიშპის მიხედვით, ყველა მხრიდან შიგნით შეწეული 20-20სმ-ით. მაგიდის ზედაპირის და ფეხების გადამხმის ადგილები გამაგრებული პლასტმასის კუთხურებით, ზედაპირის გვერდები მომრგვალებული. მაგიდა ყოველგვარი ხერხის კვალის, ნაკაწრებისა და ლაქების გარეშე.	N1, 1-2
2	საბავშვო საწოლი	მასალა: 18 მმ ლამინირებული მზგ. ზომები: 64*125სმ; სიმაღლე თავის მხარეს: 60სმ; სიმაღლე ფეხების მხარეს: 45სმ; იატაკიდან გვერდების დაშორება: 25სმ; საბავშვო საწოლი რამოდენიმე ფერის კომბინაციით. ოთხივე კუთხე გამაგრებული სპეციალური რკინის კუთხოვანებით, შიდა მხრიდან ოთხივე მხარეს შემოყოლებული 3სმ სისქის მზგ-ის დასაყრდენი, საყრდენზე დამაგრებული შესაბამისი ზომის მზგ. ზედაპირზე შემოყოლებული პლასტმასის 2 მმ წიბო.	N 2
3	საბავშვო საწოლი ორსართულიანი	მასალა: 18 მმ ლამინირებული მზგ. წიბო პლასტმასის 2 მმ, მიწებებული ქარხნულად გრანულირებული წებოთი 180 გრადუს ტემპერატურაზე. კიბე მეტალის საფეხურებით. ზომები ესკიზის მიხედვით.	N 3
4	საბავშვო კარადა ფერადი	მასალა: 18 მმ ლამინირებული მზგ. ზომები: 120*140*30სმ; ოთხგანყოფილებიანი, სხვადასხვა ფერის, შიდა ნაწილში ორი ორსაკიდიანი საკიდით ორივე მხარეს, ქვემოთ ერთი თარო, კედელზე მიმაგრებით.	N 4
5	პირსახოცების საკიდი 1/40 ცალიანი	მასალა: 18 მმ ლამინირებული მზგ. ზომები: 80*25სმ, გვერდებზე შემოყოლებული პლასტმასის 2 მმ წიბო. 20 ცალი ორსაკიდიანი საკიდით, სულ 40 ცალი კბილით. კუთხეები მომრგვალებული, კედელზე მიმაგრებით.	N 5
6	მოსაცდელი სკამი (ორმხრივი)	მასალა: 18 მმ ლამინირებული მზგ. ერთმანეთზე ზურგით გადაერთებული 110*32*35სმ ზომის ორმაგი სკამი, საზურგის სიმაღლე: 20სმ; სამკლავურები: გადამრგვალებული, ზედაპირზე შემოყოლებული პლასტმასის 2 მმ წიბო;	N 6
7	სამზარეულოს გარნიტური კვების ბლოკში	ქვედა ნაწილის ზომები: 360*85*60სმ; შუაში ორ რიგად განლაგებული რვა უჯრით, ბურთულიანი მექანიზმით, ნიკელის 10სმ სიმაღლის ფეხებით, ზედაპირი მზგ სპეციალურ პლასტიკატაგადაკრული 2,5სმ სისქის. ზედა ნაწილის ზომები: 360*70*30სმ; ცალკე-ცალკე ოთხი განყოფილება, თითოეული განყოფილება ორი კარით, სულ რვა კარით, ერთ-ერთ განყოფილებაში განლაგებული თევზების ჩასაწყობით, ნიკელის ანჯამებითა და სახელურებით, ზედა ნაწილის კედელზე მიმაგრებით.	N 7
8	სამზარეულოს ბოქსი, ჯგუფებისათვის	სამზარეულოს ბოქსი 2 კარით. მასალა: 18 მმ ლამინირებული მზგ. ქვედა ნაწილის ზომები: 90*90*60სმ; ფეხები: ნიკელის, 10 სმ სიმაღლის; ზედაპირი: სპეციალური პლასტიკატაგადაკრული მზგ. ნიჟარა: უჟანგავი, ორგანოფილებიანი, შემრევი ცივი და ცხელი წყლის ფუნქციით, ზედა ნაწილის ზომები: 90*70*30სმ, ორკარიანი, შიგნით ჩამონტაჟებული 20 იარუსიანი თევზების საწური	N 8
9	საწყობის სტელაჟები	მასალა: ლითონის მილკვადრატები; ზომები: 180*200*40სმ; თითოეული თარი დამზადებული ლითონის უჟანგავი ფირფიტებისგან	N 9
10	სამზარეულოს მაგიდა უჟანგავი ზედაპირით	მასალა: ნატურალური ხე. ზომები: 170*60*76სმ; ზედაპირზე გადკრული უჟანგავი ლითონის ფურცელი.	N 10

11	საბავშვო სკამი	მასალა: ეკოლოგიურად სუფთა მყარი პლასტმასი; სკამი მთლიანად/სრულად ჩამოსხმული. საზურგე მთლიანად დახურული, ყოველგვარი ნასვრეტებისა და სხვაგვარი სიცარიელების გარეშე; ფერი: წითელი, ყვითელი, ლურჯი, ნარინჯისფერი, მწვანე სიმაღლე: 58 სმ. წონა: 1920 გრ.	N 11
12	საოფისე სკამი	სიმაღლე: 80სმ. რკინის 4 სტაციონარ ფეხზე. ქსოვილგადაკრული, დასაჯდომის ქვედა მხარე და საზურგის უკანა ნაწილი პლასტმასით დაფარული	N 12
13	სამზარეულოს სკამი	სიმაღლე: 70სმ. რკინის 4 სტაციონარ ფეხზე, დასაჯდომზე გადაკრული ტყავშემცველი. საზურგე რკინის	




დანართი N2 - ფასების ცხრილი

N	საქონლის დასახელება	განზომილების ერთეული	რაოდენობა	ერთეულის ფასი (ლარი)	საერთო ფასი (ლარი)
1	საბავშვო მაგიდა	ცალი	30	60	1800
2	საბავშვო საწოლი	ცალი	110	50	5500
3	საბავშვო საწოლი ორსართულიანი	ცალი	30	150	4500
4	საბავშვო კარადა ფერადი	ცალი	15	160	2400
5	პირსახოცების საკიდი 1/40 ცალიანი	ცალი	7	50	350
6	მოსაცდელი სკამი (ორმხრივი)	ცალი	7	80	560
7	სამზარეულოს გარნიტური კვების ბლოკში	ცალი	1	660	660
8	სამზარეულოს ბოქსი, ჯგუფებისათვის	ცალი	7	250	1750
9	საწყობის სტელაჟები	ცალი	2	400	800
10	სამზარეულოს მაგიდა უქანგავი ზედაპირით	ცალი	2	400	800
11	საბავშვო სკამი	ცალი	250	26	6500
12	საოფისე სკამი	ცალი	20	45	900
13	სამზარეულოს სკამი	ცალი	5	40	200
ჯამი					26720




დანართი N3 - ინფორმაცია წარმოშობის ქვეყნისა და
მწარმოებელი კომპანიის შესახებ

N	საქონლის დასახელება	წარმოშობის ქვეყანა	მწარმოებელი კომპანია
1	საბავშვო მაგიდა	საქართველო	შპს ჯეო +
2	საბავშვო საწოლი	საქართველო	შპს ჯეო +
3	საბავშვო საწოლი ორსართულიანი	საქართველო	შპს ჯეო +
4	საბავშვო კარადა ფერადი	საქართველო	შპს ჯეო +
5	პირსახოცების საკიდი 1/40 ცალიანი	საქართველო	შპს ჯეო +
6	მოსაცდელი სკამი (ორმხრივი)	საქართველო	შპს ჯეო +
7	სამზარეულოს გარნიტური კვების ბლოკში	საქართველო	შპს ჯეო +
8	სამზარეულოს ბოქსი, ჯგუფებისათვის	საქართველო	შპს ჯეო +
9	საწყობის სტელაჟები	საქართველო	შპს ჯეო +
10	სამზარეულოს მაგიდა უჟანგავი ზედაპირით	საქართველო	შპს ჯეო +
11	საბავშვო სკამი	ურქეთი	ირაკ პლასტიკი
12	საოფისე სკამი	უკრაინა	PRIMTEK PLUS
13	სამზარეულოს სკამი	უკრაინა	PRIMTEK PLUS



ინფორმაცია ინტერესთა კონფლიქტის შესახებ

„სახელმწიფო შესყიდვების შესახებ“ საქართველოს კანონის მე-8 მუხლის შესაბამისად ხელის მოწერით ვადასტურებ, რომ ა(ა)იპ „ბათუმის საბავშვო ბაღების გაერთიანების მიერ ავეჯის შესყიდვის მიზნით შპს „ჯეო+“-სთან 2018 წლის 25 იანვარს დადებული სახელმწიფო შესყიდვის შესახებ N20 ხელშეკრულების ინსპექტირებისა და ზედამხედველობის პროცედურებში ჩემი მონაწილეობა არ იწვევს ინტერესთა კონფლიქტს.

მატერიალურ-ტექნიკური განყოფილების უფროსი  ჯაბა ცხადაძე